


元代子部書 四卷

元

代

史料刊
史叢
初編

黃山書社



元代子部書 四卷

元
代
史料
叢刊
初編

黃山書社

宗玄理以至翻習經傳子史小學蒼雅天竺悉曇諸部異執四章五明祕呪儀軌篇頌書蹤一皆博綜大歷十一年禮文殊於五臺往峩眉拜普賢却還五臺居大華嚴寺專行方等懺法慨華嚴舊疏文繁義約憊然長想况大殊主智普賢主理二聖合為毘盧遮那萬行兼通即大華嚴之義遂撰疏成二十卷德宗貞元七年河東節度使李自良請師於崇福寺講新疏德宗聞其風降中使李輔光宣詔入都與闕賓三藏般若譯烏茶國所進華嚴後分四十卷次年五月遣中使霍仙鳴傳宣催入德宗敦重延居譯場刊正又詔令造疏編成十卷進呈順宗在春宮嘗接師言請述了義一卷心要一卷并食肉得罪因緣師疏義綱要富有著作弟子傳法者一百許人又見憲宗元和十二年并文宗開成三年

欽定四庫全書

釋氏稽古略

終南山圭峯禪師宗密果州西充人姓何氏世業儒憲宗元和二年將赴貢舉偶造遂州圓禪師法席味其道法遂求披剃當年受其一日隨衆僧齋于府吏任灌家居末座以次授經得圓覺十二章未終軸而感悟歸告于圓圓曰汝當大弘圓頓之教此諸佛授汝耳行矣無自滯於一隅遂奉命辭去謁荆南忠禪師洛陽照禪師皆蒙記荊抵襄漢因病僧付華嚴疏即上都澄觀大師之所撰也覽之欣然曰吾禪遇南宗教逢圓覺一言之下心地開通一軸之中義天朗耀今復得茲絕筆尋詣上都禮見清涼國師未幾復入終南圭峯蘭若文宗太和中徵入內賜紫衣帝累問法要朝士歸慕唯相國裴休深入堂奧受教為外護師以禪教學者互相非毀遂著禪源諸詮寫錄諸家所述詮表禪門根源道理文字句偈集為一箴以貽後代武宗會昌元年正月六日於興福院誠門人令昇屍施

鳥獸焚其骨而散之言訖坐滅道俗奉全身于圭
峯茶毘得舍利藏之石室宣宗追諡定慧禪師塔
曰青蓮壽六十三嗣遂州
圓六祖下五世何澤派也

詔嵩岳慧安禪師并神秀禪師至都肩輿入殿太
后親加跪禮奉于宮禁朝夕問道尊安為國師時
王公已下聞風來
謁望塵拜伏

北宗秀禪師

諱神秀五祖旁出之嗣生開封李氏
少業儒博綜多聞忽思出家至蘄州

雙峯寺遇五祖乃嘆服而事之樵汲供役以求其
道祖乃度之五祖入滅師住江陵當陽山太后聞
之召至都下同慧安國師於內道場供養特加欽
禮命於當陽山置度門寺以旌其德中宗既立尤
加禮重大臣張說嘗聞法要執弟子禮師示衆曰
一切佛法自心本有將心外求捨父逃走中宗神

欽定四庫全書

釋氏稽古略

龍二年二月入滅於東都天宮寺謚大通禪師敕葬龍門葬日給羽儀鹵簿帝送至便橋敕中書令張說為製碑文師生於隋末百有餘歲僧臘入十時歧王範及徵君盧鴻一皆勒碑製誄舊唐書有傳賜僧諡號自師而始門人普寂義福等皆嗣襲師位

嵩嶽安國師

諱慧安荊州枝江衛氏子幼年出家披剃隋文帝開皇十七年遁居山谷

煬帝大業中開濟渠丁夫之餓殍也師為乞食以活之煬帝聞而徵師不赴潛入太和山登衡岳行頭陀行太宗貞觀間至蘄州黃梅謁五祖遂得心要高宗麟德元年遊終南山石壁因止焉高宗詔之不起復至嵩少乃云是吾終焉之地也禪者輻輳太后遣使召師入見偕北秀禪師同膺欽禮太后尊師為國師至中宗神龍二年賜紫袈裟為度弟子二七人延入禁中供養是時中宗遣內侍薛

簡詔六祖祖不赴詔逾三年中宗又賜師磨衲僧
衣辭歸嵩嶽景龍三年三月三日囑門人曰吾死
矣將屍向林中待野火焚之至八日偃身而寂春
秋一百二十八門人遵旨果野火自然闔維得舍
利八十粒內五粒大而紫色進留宮禁睿宗先天
元年門人建塔焉世稱老安國師嗣法弟子仁儉
破竈墮嵩 丁酉神功元年
嶽珪 戊戌聖歷元年

皇嗣 固請遜位于廬陵王九月立
廬陵王哲為皇太子復名顯大赦天下 己亥

聖歷
二年

庚子久視元年冬十月制復以
正月為十一月一月為正月

辛丑長安元年 壬寅二年
癸卯三年 甲辰長安四年

欽定四庫全書

釋氏稽古略

中宗

諱顯高宗第七子立為皇太子初高宗崩太子即位正月尊天后為太后立妃韋氏為皇后擢

后父韋玄貞豫州刺史帝以玄貞為侍中裴炎固爭不從炎白太后密謀二月戊午廢帝為廬陵王

遷房州又遷均州流玄貞欽州則天聖歷元年復立為皇太子至是乙巳年正月乙巳天后傳位太

子丙午帝即位丁未太后徙居上陽宮帝帥百官上尊號曰則天大聖皇帝十一月壬寅崩神龍元

年二月復唐國號郊廟社稷旗幟百官皆如永淳以前故事以神都為東都北都為并州帝在

位六年壽五十五歲

神龍二

景龍四

乙巳

神龍元年四月帝降御札召曹溪六祖入京其辭曰朕延安秀二師宮中供養每究一乘

二師並推讓云南方能禪師密受忍大師衣法可就彼問今遣內侍薛簡馳詔迎請願師慈念遠赴上京祖表謝辭以疾簡曰京城禪德皆云欲得會道當習禪定若不因禪定而得解脫者未之有也未審師所說法如何祖曰道由心悟豈在坐耶簡曰弟子回朝主上必問願師指示心要令得明道祖曰道無明暗簡曰明喻智慧暗况煩惱倘不以智慧照破煩惱生死憑何出離祖曰若以智慧照煩惱者此是二乘小機簡曰何謂大乘見解祖曰明與無明其性無二無二之性即是實性實性在凡不滅在聖不增住煩惱而不亂居禪定而不寂性相如如名之為道簡曰師說不生不滅何異外道祖曰外道將滅止生以生顯滅滅猶不滅生說無生我說本自不生今亦無滅所以不同外道汝欲知心要但一切善惡都莫思量自然得入清淨心體湛然常住妙用恒沙簡禮辭歸闕表上祖語

欽定四庫全書

釋氏稽古略

帝咨美久之尋遣使賜祖磨衲袈裟
緋鉢絹五百疋諭天子嚮慕之意

楞嚴經

天竺沙門般刺密諦此云極量是年至廣
州居制止道場五月於灌頂部中誦出一

品名楞嚴經彌伽爍法此云雲峯譯成一部十卷
宰相房融筆受融時貶流高州因得以寓于譯所

沙門懷迪證譯傳經事畢朝廷責以

私譯密諦遂泛舶攜梵夾歸天竺

丙午神龍二年僧範

等加五品階

試經度僧

八月詔天下試童行經義挑通無滯者
度之為僧試經度僧從此而始

沙門智嚴于闐國王之子幼年來唐早居榮祿授
大將軍封郡公是年五月請捨宅為寺勅允其請又
固請出家十二月二十四日墨制云人之情也莫
不貪祿惜位卿之願也乃欲棄俗出家忽省來奏

嗟賞兼懷時遂所祈式成高志仍請
住終南山至相寺多預翻譯

丁未景龍元年二年三月朔方道大總
管張仁愿築三受降城于河上

嶽神乞戒

嵩嶽元珪禪師生伊闕李氏幼歲出家
高宗永淳年間受具戒隸閑居寺習毘

尼謁安國師頓悟玄旨遂廬于嵩嶽之龐塢是年
一日有異人峩冠袴褶而至從者極多偉甚稱
謁大師師覩其非常乃諭之曰善來仁者胡為而
至彼曰師寧識我邪師曰吾觀佛與衆生等吾一
目之豈分別邪彼曰我此嶽神也能生死於人師
安得一目我哉師曰吾本不生汝焉能死吾視身
與空等視吾與汝等汝能壞空與汝乎苟能壞空
及汝吾則不生不滅也汝尚不能如是又焉能生
死吾邪神稽首曰我亦聰明正直於餘神詎知師
廣大之智辯乎願授以正戒令我度世師曰汝既

欽定四庫全書

釋氏稽古略

乞戒即既戒也所以者何戒外無戒又何戒哉神
 曰此理也我聞茫昧止求師戒我身為門弟子師
 即為張座秉爐正几曰付汝五戒若能奉持即應
 曰能不能即曰否神曰謹受教師曰汝能不淫乎
 曰我亦娶也師曰非謂此也謂無懼欲也曰能師
 曰汝能不盜乎曰何乏我也焉有盜取哉師曰非
 謂此也謂饗而福淫不供而禍善也曰能師曰汝
 能不殺乎曰實司其柄焉曰不殺師曰非謂此也
 謂有濫誤疑混也曰能師曰汝能不妄乎曰我正
 直焉有妄乎師曰非謂此也謂先後不合天心也
 曰能師曰汝不遭酒敗乎曰能師曰如上為佛
 戒也師又曰以有心奉持而無心拘執以有心為
 物而無心想身能如是則先天地生不為精後天
 地死不為老終日變化而不為動畢盡寂默而不
 為休信此則雖娶非妻也雖饗非取也雖柄非權
 也雖作非故也雖醉非昏也若能無心於萬物則

無戒無戒則無心無佛無衆生無汝及無我孰為
戒哉神曰我神通亞佛師曰汝神通十句五能五
不能佛十句七能三不能神悚然避席跪啓曰可
得聞乎師曰汝能戾上帝東天行而西七曜乎曰
不能師曰汝能奪地祇融五嶽而結四海乎曰不
能師曰是謂五不能也佛能空一切相成萬法智
而不能即滅定業佛能知羣有性窮億劫事而不
能化導無緣佛能度無量有情而不能盡衆生界
是為三不能也定業亦不牢久無緣亦是一期衆
生界本無增減亘無一人能主其法有法無主是
謂無法無法無主是謂無心如我解佛亦無神通
也但能以無心通達一切法爾神曰我誠淺昧未
聞空義師所授戒我當奉行今願報慈德効我所
能師曰吾觀身無物觀法無常塊然更有何欲邪
神曰師必命我為世間事展我小神功使已發心
初發心未發心不信心必信心五等人自我神蹤

欽定四庫全書

釋氏稽古略

知有佛有神有能有不能有自然有非自然者師曰無為是無為是神曰佛亦使神護法師寧慕叛佛邪願隨意垂誨師不得已而言曰東巖寺之障莽然無樹北岫有之而背非屏擁汝能移北樹於東嶺乎神曰已聞命矣然昏夜必有喧動願師無駭即作禮辭去師門送而且觀之見儀衛逶迤如王者之狀嵐靄煙霞紛綸間錯幢幡環珮凌空隱沒焉其夕果有暴風吼雷奔雲掣電棟宇搖蕩宿鳥聲喧師謂衆曰無怖無怖神與我契矣詰旦和霽則北巖松栝盡移東嶺森然行植師謂其徒曰吾沒後言莫及之若為口實人將妖我至玄宗開元四年師囑門人曰吾始居寺東嶺我今入滅可實吾骸于彼言訖而化師嗣慧安國師國師嗣五祖大滿禪師

己酉景龍三年帝召道岸律師入宮為妃主受歸戒圖形林光宮御製贊曰戒珠皎潔慧流清淨身

局五篇心融八定學妙真宗觀通實性羅持法務
網紀德政律箴冀其傳芳像教因而光盛玄宗開
元五年
師入滅

睿宗

謹旦高宗第八子初封豫王又封相王景龍四
年六月中宗遇弒韋后祕不發喪立溫王重茂
為皇太子發喪即位年曰唐隆相王子隆基平內
難奉相王輔少帝少帝尋遜位于相王相王乃即
帝位在位二年立隆基為皇太子玄宗開元二年
七月重茂薨諡曰殤皇帝壽二十歲開元四年六
月睿宗崩壽
五十五歲

景雲二
先天一

庚戌

六月改元景雲元年八月以左武衛大將軍
薛訥兼幽州都督節度使節度使之名始自

欽定四庫全書

釋氏稽古略

訥也百官賜爵普
度僧道萬數

壬子先天元年七
月帝傳位于太子

太宗 諱隆基睿宗第三子初封楚王改封臨淄王景
雲初立為皇太子先天元年八月即位在位四

十四年壽六十八
尊睿宗為太上皇

開元二十九
天寶

癸丑開元元年 秋七月帝與歧王範薛王業郭元
振及王毛仲高力士等誅宰相謀

廢立惡逆者曰蕭至忠竇懷貞岑羲崔湜常元楷
李慈等賞功臣官爵宦官之盛自始於此十二月

赦天下改尚書左右僕射為左右丞相中書省為
紫微省門下省為黃門省侍中為監雍州為京兆

府洛州為河南府長
史為尹司馬為少尹

六祖慧能大師尊者

俗姓盧氏名能其先本籍范陽父行瑫高祖武德

年中謫官新州生能遂為新興人也甫三歲而父喪
母守節育之及長家益貧祖乃採薪鬻而供母
一日過市鄺聞客讀經應無所住而生其心問客
曰此法得於何人客曰此名金剛經得於黃梅忍
大師祖遽告其母即趨五祖抵韶州尼無盡藏者
讀涅槃經尼問經字祖曰字則不識義則請問尼
曰字尚不識曷能會義祖曰諸佛妙理非關文字
尼驚異之謂人曰能是有道之人宜供養之近處
寶林古寺舊基衆請營葺而延居之四衆雲集俄
成寶坊祖念大法直造黃梅之東山即高宗咸亨
二年也既得法已儼語列于五祖章下丙子儀鳳
元年正月八日回屆南海法性寺二僧論風動幡